

AWEMainta

E DIFERENCIA DEN NOTICIA

CASO FLAMINGO

LO TA OTRO MANIOBRA PA SCONDE INCAPACIDAD DI MINISTERIO PUBLICO



ENERGIA RENOBNA NA ARUBA: **3**
GANASHINAN ECONOMICO OF STRATEGIA DI IMAGEN?

DESAROYO **4**
SUBTERANEO POR TA UN ALTERNATIVA PA ARUBA?

PAKICO MUCHANAN TA **7**
ENFRENTA HAMBER NA ARUBA
Y PAKICO E TA UN PROBLEMA DI COMUNIDAD



WIN \$12,000

EVERY SATURDAY TILL NOVEMBER 16TH

THE CASINO AT THE RITZ-CARLTON ARUBA

For more information visit our Casino VIP Desk it will be our pleasure to assist you!



Tired of **Manually** Processing Forms?

SCANSYS
vision on imaging

- Digital Processing of Purchase Invoices and more
- Seamless Integration with most Financial Software
- Complete Control of Authorizations via Workflows

VCC
International NV

This OCR software scans any kind of document and automatically fills the data in your preferred financial/ERP software!

TEL. 583-7072 | info@vcc-int.com | www.vcc-int.com

Caso Flamingo

Lo ta otro maniobra pa sconde incapacidad di Ministerio Publico

DESPUES cu Ministerio Publico y Corte den Prome Instancia diaranson merdia a sorprende tur hende cu fechanan pa trat'e caso di Flamingo, caminda e ultimo dia programa pa atende e acusacionnan contra di lider di partido PPA, lo ta riba dia di eleccion, esta 6 di december proximo. Ora cu señala cu esaki ta lo ta di tres proceso electoral cu Ministerio Publico ta trata di influencia, e comentario aki ta ser considera un observacion peligroso y cu lo ta atacando credibilidad di Ministerio Publico.

E caso di Flamingo awor despues di mas cu cuater aña, a keda cla pa Ministerio Publico presenta esaki na Corte den Prome Instancia caminda e institucionnan aki, ta demostra cu nan no tin respet p'e proceso electoral caminda pueblo tin cu eligi su proximo gobierno. Lider di PPA kende ta Otmar Oduber, a bin ta pidi claridad di parti di autoridadnan hudicial for di 2022 pero a bin stanca henter e proceso y awor den porta di eleccion na December, ta dicidi di hunga e wegá aki cual ponencia lo wordo nenga pa Ministerio Publico pero ta un situacion cu e institucion mes a hinca su mes aden.

Lagando e maniobra peculiar aki di OM un banda, por constata cu e casi di Flamingo lo bay mesun direccion cu caso Ibis y di Avestruz a cana y bin finalisa cu husticia logrando e asina yama triunfo. A formula un investigacion contra di un ex Minister, sin un base concreto riba cual por basa un lista di acusacion cu a wordo presenta pero caminda

dia 18 di November venidero, Corte den Prome Instancia lo trata un caso caminda ningun di e acusacionnan serio inicial, lo no aparece. Acusacionnan serio manera e hecho cu e politico ta forma parti di un asina yama "organizacion criminal," otro cu e ta ser sospecha di ta laba placa, fraude administrativo, abuso di poder cual acusacionnan ya no ta riba lista mes.

E mesun forma di procede di un instituto di husticia cual metodo tambe a ser uza pa inicia e casonan Ibis y Avestruz ya cu na momento cu autoridadnan di RST y Landsrecherche a cuminsa cu investigacion riba 'indicacionnan' cu tin, a bin resulta cu nada di esaki ta corecto y cu no tin ningun base pa hiba e hendenan aki Corte. Caso Flamingo no ta diferente y e lider di PPA, Otmar Oduber na varios ocasion a duna declaracion na prensa riba e forma di actua di Ministerio Publico, cu bou di circunstancianan normal y legal, lo a dicidi di bandona e maniobranan di persecucion aki. Caso Flamingo lo bay bira otro intento pa acusa un ex mandatario di cosnan ilegal mescos cu a haci den caso Ibis y Avestruz y lo bay tin mesun resultado cu e dos casonan aki, esta cu e sistema hudicial lo haya un forma pa logra cu Hues lo haya e sospechosonan culpabel ya cu mirando e desaroyonan aki y e comportacion di tanto RST y Landsrecherche, e instituto hudicial lo bin cu salvaguardia integridad di Ministerio Publico, ni maske cu henter nan forma di procede, a viola derecho di e ciudadanonan involvi.

Ta un tristo realidad ora cu den un pais cu ta biba bou capa di un democracia solido segura pa gobierno Hulandes, cu ta constata e tipo di maniobranan tristo aki y caminda na final ta solamente un perdedo tin, esta e sospechoso cu na final di cuenta a bira victima di e sistema hudicial di e pais aki!!

Partidonan 'chikito' papiando di un politica hopi 'grandi'

A cuminsa bira hopi druk riba social media, website y otro sistemanan noticiario caminda politiconan kier probecha di esakinan, pa vocifera nan vision politico p'e proximo gobierno. Sinembargo tambe ta bisto cu hopi di e supuesto 'visionnan politico' aki, lo por ta parti di un e vision total cu e gobierno nobo lo bay ehecuta pa alivia diferente presion financiero y social cu pueblo ta confrontando pa basta aña caba.

Varios lider di partidonan chikito, hopi cu a bin ta vociferando nan pensamiento pa trece cambio den e politica tradicional di e dor partidonan grandi, sinembargo no tin e peso y espacio pa ehecuta nan vision politico propio. Ta un hecho cu di 11 partido cu ta participa n'e proceso electoral di dia 6 di December venidero, solamente dos di nan cu t'e dos partidonan grandi tradicional, ta presenta lista di candidato cu ta brinda espacio pa nan defini rumbo cu e proximo gobierno lo tin cu hiba.

Tin algun politico cu kier mira cambionan grandi riba tereno social, tereno financiero, tereno economico pero ora cu analisa nan lista cu cual nan lo participa dia 6 di December, esaki no tin e forza ni peso humano necesario pa bay carga e responsabilidad aki cu nan ta papia di nan.

Ya ta conoci y practicamente tur dia esaki ta parti di cualkier programa informativo sea riba red of medionan social, na radio of television y hasta den discusion politico cu ta ser organisa pa varios institucion, cu

fuera di e dos partidonan grandi, cu ta MEP y AVP, tur e nueve lidernan a hinca un partido den otro cu e meta grandi cu nan lo haya sosten suficiente pa logra un of dos asiento y nada mas.

Nan tur lo bay depende pa forma parti di un probabel gobierno di coalicion cu lo ser forma pa sea partido MEP of AVP y nan poder ta yega te eynan tambe mirando e situacion politico cu nan mes a forma y hinca nan mes aden. Tin ideanan interesante, tin lider cu ta papia di cambionan structural n'e proceso di gobernacion cu nan lo kier cambia, cu ta cosnan grandi pero ta lidernan cu ta papia for di un creencia y hasta siguransa cu nan lo saca un of dos asiento y nada mas.

Ta interesante scucha politiconan cu ta dirigi partidonan chikito papia di *"nos lo trece cambionan asina cu nos drent'e proximo gobierno"* sin realisa cu nan tin cu convence un di e dos partidonan grandi y tradicional, di nan pensamiento y conviccion p'asina e cambionan aki por tuma luga. Tin nueve lider politico cu realmente tin cu papia con nan lo yuda na sostene un gobierno di coalicion caminda un di e dos partidonan grandi lo carga e responsabilidad mas grandi y e lidernan cu ya ta grita cu nan lo no kier traha cu esaki of esey, ta cometiendo un eror politico grandi.

Na momento di sinta forma un gobierno di coalicion, cualkier diferencia di opinion, hasta disgusto contra di un otro politico, si asina hopi ta papia di traha pa interes general di pueblo di Aruba, e diferencianan ey no por stroba formacion di un gobierno di coalicion den futuro.

Realidad di e caso n'e momentonan aki scuchando varios di e lidernan "chikito" vocifera nan pensamiento politico, esaki lo por percura pa un obstaculo pa formacion di un coalicion nobo cu lo por dura te cu mita di aña 2025, un situacion mescos cu Hulanda a pasa aden.